

Lajčak zabrinut zbog mogućih izmjena i dopuna Zakona o imunitetu



Visoki predstavnik i specijalni predstavnik EU Miroslav Lajčak je zabrinut zbog mogućnosti da će BiH zakonodavci sutra usvojiti izmjene i dopune Zakona o imunitetu Bosne i Hercegovine, koji će im dati imunitet od krivičnog gonjenja za krivična djela poput vožnje u pijanom stanju, zloupotrebe funkcije pa čak i ratnog zločina.

Zakon o imunitetu Bosne i Hercegovine – koji je nametnut 2002. godine – konačno je doveo do toga da nosioci javnih funkcija budu odgovorni za svoja djela. Prijedlozi HDZ-a, o kojima se sutra treba raspravljati u hitnom postupku, parlamentarcima daju ovlast da svoje stranačke kolege izuzmu od krivičnog gonjenja.

Hitni postupak znači da će ove izmjene i dopune sutra biti stavljene na glasanje.

«Zabrinut sam da je ovo pokušaj da se ove izmjene uvedu na mala vrata, na posljednjoj sjednici prije ljetnje pauze», izjavio je danas visoki predstavnik i specijalni predstavnik EU. «Što je još gore, izgleda da je namjera predlagača bila da se izbjegne javna debata o ovom pitanju».

Postojeće odredbe o imunitetu parlamentarcima daju zaštitu koja im je potrebna; mogućnost da govore i slobodno glasaju u

parlamentu je zagarantirana postojećim zakonom o imunitetu. Predložene izmjene i dopune obuhvataju bilo koje djelo koje bi neki parlamentarac mogao počiniti.

«Postojeći zakoni o imunitetu uživaju široko rasprostranjenu podršku javnosti te jačaju integritet institucija», rekao je visoki predstavnik i specijalni predstavnik EU. «Nadam se da parlamentarci shvataju da je postojeći sistem imuniteta u njihovom interesu; ukoliko niste krivi, bolje je suočiti se sa onima koji vas optužuju nego se skrivati iza odredbi o imunitetu».